



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-607-5/21**
Datum: **04.03.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „METALOS“ d.o.o. Kreševo za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije proizvodno-skladišnih objekata „METALOS“, izgrađenih u ulici Obala bb, općina Kreševo, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

RJEŠENJE **o vodnoj dozvoli**

1. Pravnom licu „METALOS“ d.o.o. Kreševo daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije proizvodno-skladišnih objekata „METALOS“, izgrađenih u ulici Obala bb, općina Kreševo, na zemljištu označenom kao k.č. broj 369 i 366 K.O. Kreševo, općina Kreševo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se u roku od godinu dana izvrši ugradnja uređaja za tretman oborinskih onečišćenih voda – separator ulja i naftnih derivata sa koalescentnim filterom, odabranog u skladu sa Europskim normativima EN 858-2, te okno za monitoring prečišćenih voda.
 - 3.3. Da se tehnološke otpadne vode sa manipulativnih površina i oborinske onečišćene vode sa manipulativnih, saobraćajnih i parking površina nesmetano prikupljaju sistemom slivnika i kanalizacione mreže, te odvođe do objekta za tretman otpadnih voda i okna za monitoring prije ispusta u rijeku Kreševku.
 - 3.4. Da je korisnik poslovnog objekta u obavezi da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Da se u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
 - 3.7. Da se nastali otpad na predmetnoj lokaciji prikuplja i privremeno odlaže u skladu sa važećim propisima o postupanju sa otpadom, a za zbrinjavanje istog potpiše ugovor sa firmom ovlaštenom za tu vrstu djelatnost.
 - 3.8. Da se sadržaj (mulj) iz uređaja za prečišćavanje otpadnih voda i opasni otpad ne smije odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i

direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. U periodu važenja ove vodne dozvole, pravno lice „METALOS“ d.o.o. Kreševo je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja, a prestaje da važi ukoliko se ne ispune uslovi iz tačke 3.2. dispozitiva ovog Rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „METALOS“ d.o.o. Kreševo obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije proizvodno-skladišnih objekata „METALOS“, izgrađenih u ulici Obala bb, općina Kreševo, na zemljištu označenom kao k.č. broj 369 i 366 K.O. Kreševo, općina Kreševo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o registraciji u sudski registar Općinskog suda u Travniku, broj: 051-0-Reg-11-001659 dana 30.11.2011. godine;
- Ovjerena kopija Uvjerjenja o poreznoj registraciji donesenog od strane Porezne uprave F BiH-Kantonalni porezni ured Novi Travnik dana 30.10.2013. godine;
- Kopija Rješenja o odobrenju za građenje, donesenog od strane Službe za civilnu zaštitu, urbanizam, imovinsko pravne poslove i katastar nekretnina općine Kreševo, broj: 06-23-050/17 dana 29.05.2017. godine;
- Kopija Rješenja o odobrenju za upotrebu, donesenog od strane Službe za civilnu zaštitu, urbanizam, imovinsko pravne poslove i katastar nekretnina općine Kreševo, broj: 06-23-69 dana 12.07.2017. godine;
- Kopija rješenja o okolišnoj dozvoli donesenog od strane Službe za civilnu zaštitu, urbanizam, imovinsko pravne poslove i katastar nekretnina općine Kreševo, broj: 06-19-2743/21 dana 31.12.2021. godine;
- Kopija Izvještaja o rezultatima ispitivanja kvantitativnih karakteristika efluenta sa programom praćenja stanja voda (monitoring), urađen od strane „Zagrebinspekt“ d.o.o. Mostar, novembar 2021. godine;
- Projekat izvedenog stanja sustava za prikupljanje, tretman i ispuštanje otpadnih voda, urađen od strane „Zagrebinspekt“ d.o.o. Mostar, januar 2022. godine;
- Dokaz o uplaćenju upravnoj pristojbi.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-607-3/21 dana 21.02.2022. godine.

Na osnovu dokumentacije dostavljene uz zahtjev i izvršenog uviđaja na predmetnoj lokaciji utvrđeno je slijedeće:

Na predmetnom lokalitetu nalazi se kompleks slijedećih objekata: odjel za proizvodnju nezaštićenih panela, odjel za proizvodnju konstrukcija, odjel za proizvodnju stubova, kapija i ograda, odjel strojne obrade, odjel plastifikacije panela, odjel plastifikacije stubova, kapija i ograda, upravna zgrada.

U procesu proizvodnje nema produkcije tehnoloških otpadnih voda. Tehnološka voda se koristi za hlađenje pojedinih strojeva (rashladna voda) u zatvorenom sistemu recirkulacije, bez ispuštanja u okoliš. Tehnološke otpadne vode nastaju od pranja prostora u proizvodnim pogonima. Mašine koje su sastavni dio proizvodnog procesa zahtijevaju upotrebu različitih ulja. Prilikom rada mašina i pretakanja ulja u mašine može doći do prosipanja ulja na pod. Oborinske onečišćene vode sa predmetne lokacije prikupljaju se putem slivnika sa slivnom rešetkom i internom kanalizacionom mrežom vode bez prethodnog tretmana do ispusta izvedenih u rijeku Kreševku (više ispusta). U procesu proizvodnje nastaje špena koja se privremeno skladišti do konačnog zbrinjavanja.

Na osnovu dostavljene dokumentacije uz zahtjev i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom, u tački 3. dispozitiva rješenja, propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje Rješenja o vodnoj dozvoli za ispuštanje oborinskih onečišćenih voda, te je riješeno kao u dispozitivu ovog Rješenja.

Podnosilac zahtjeva je uplatio upravnu pristojbu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.ing.građ.

PRILOG: Projekat izvedenog stanja sustava za prikupljanje, tretman i ispuštanje otpadnih voda, urađen od strane „Zagrebinspekt“ d.o.o. Mostar, januar 2022. godine

Dostaviti:

- „METALOS“ d.o.o. Kreševo, Obala bb, 71260 Kreševo (sa prilogom)
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava